

In nomine sancte et individue trinitatis. Fredericus divina favente clementia Romanorum imperator augustus.

Notum facimus omnibus Christi et^a imperii Romani fidelibus presentibus et futuris, quod nos eterne retributionis intuitu atque petitione venerabilis abbatis Placiti dilecti^b nostri ecclesiam sancti Iohannis evangeliste, in civitate Ravenne sitam, specialiter^c in nostram suscepimus protectionem, sicut et scriptum eidem ecclesie a nobis ante collatum poterit protestari. Nunc vero eadem clementia nostra erga eandem ecclesiam^d et fratres inibi deo famulantes adaucta^e prefatam susceptionem recentiori privilegio renovamus et, quicquid eadem ecclesia largitione ecclesiasticorum vel secularium^f principum vel aliorum quorumlibet hominum traditione nunc suscepisse tenereque et possidere videtur vel in posterum favente deo legitime et rationabiliter adipisci poterit, concedimus firmitatis robore^g in omni quiete de cetero possidendum. Confirmamus autem et^h ex nostre benignitatis munificentia damus et concedimus eidem ecclesie et iam dicto eius abbati suisque in perpetuum successoribus omne placitum ac omne districtum de universis possessionibus, quas ipsa ecclesia nunc habet vel postmodum habebit tam in terris, quam in earum habitatoribus. De quibus hic suis nominatim exprimenda vocabulis dignum duximus, scilicet districtum et placitum de tota villa Barisani, de tota Calbella et de Roura tota, de toto loco sancti Gervasii ab utraque parte fluminis¹ et de tota villa, que dicitur Publicum, ac de toto loco, qui dicitur sanctus Blasius de Buccadari, et de omnibus possessionibus, quas eadem ecclesia habet per diversa loca in plebe sancte Marie in Portu, et de tota villa, que dicitur Nisigali¹, et de reliquis eidem nunc ecclesie vel in posterum pertinentibus. Preterea sancimus statuentes, ut nulla potestas ecclesiastica vel secularis vel alicuius civitatis consulatus nec aliqua persona magna sive parva nomine fodri seu alicuius collecte aut publicarie aut angarie vel perangarie a predicta ecclesia eiusque possessionibus et hominibus requirat vel accipiat exactiones, salva per omnia imperiali iustitia, quam nobis ipsis, certis nuntiis ad eandem exi-

a) Fehlt. b) *di Sacti*. c) *dudit*. d) *frem*. e) *adauctam*.
 f) *eccl. secul. vel princ.* g) *conceder firmitati robur*. h) *cu ei*. i) *N*
 unsicher.

1) Savio. Auch in der Urkunde Eugens III. J.-L. 8809, an deren Wortlaut der Satz *De quibus — parte fluminis* anklingt, ist der Fluss nicht genannt.